



## EKOVEST BERHAD CORPORATE

### MEDIA MONITORING

Tuesday, 19 July 2016/ Utusan Malaysia  
**Ekovest bangun projek GDV RM2.11b**

## Ekovest bangun projek GDV RM2.11b

**KUALA LUMPUR 18 Julai** - Ekovest Bhd. melaksanakan projek integrasi EkoCheras dengan nilai pembangunan kasar (GDV) sebanyak RM2.11 bilion yang dijangka siap pada Januari 2018.

Pengarah Urusannya, Datuk Seri Lim Keng Cheng berkata, pembangunan di kawasan seluas 4.84 hektar tersebut meliputi pangaspuri perkhidmatan, ruang pejabat, hotel dan ruang niaga berukuran sejuta kaki persegi yang dikenali sebagai Pusat Beli-belah EkoCheras.

Katanya, pusat beli-belah yang mempunyai 250 kedai berukuran 58,064.4 meter persegi serta ruang sewaan tetap itu juga mempunyai jambatan yang menghubungkannya dengan stesen Mass Rapid Transit (MRT) Taman Mutiara.

“Pusat beli-belah EkoCheras bercirikan pembangunan integrasi dan lokasinya yang strategik menjadikannya harta tanah yang efektif dalam meningkatkan pendapatan perniagaan serta pulangan modal.

“Dengan perubahan demo-



### EKOVEST BERHAD

grafi komuniti Cheras yang semakin berkembang pesat, wujud keperluan dalam memenuhi gaya hidup urban terutamanya dalam kalangan generasi muda,” katanya selepas majlis mendatangani perjanjian antara Ekovest dan 17 penyewa utama Pusat Beli-belah EkoCheras di sini hari ini.

Yang turut hadir, Menteri di Jabatan Perdana Menteri, Datuk Seri Dr. Wee Ka Siong.

Menurut Keng Cheng, ketika ini pihaknya sudah mempunyai 50 hingga 60 peratus penyewa bagi pusat beli-belah itu dan menjangka semua kedai di EkoCheras dapat dipenuhi apabila beroperasi kelak.

Ekovest yang tidak menjual unit dalam pusat beli-belah tersebut sebaliknya menyewa, tidak menolak kemungkinan untuk terlibat dalam Amanah Pelaburan Hartanah (REIT) pada masa depan.